

**2013-p ingerlanerani Kalaallit Nunaanni piniagassat avammut
tunisassiarineqartarnerisa siuarsarnissaat pillugu 2013-p ingerlanerani
misissueqqullugit Naalakkersuisut peqquneqarnissaannik Inatsisartut
aalajangiiffigisassaattut siunnersuut**
(Inatsisartunut ilaasortaq Andreas Uldum, Demokraatit)

pillugu

Aalisarnermut Piniarnermut Nunalerinermullu ataatsimiititaliap

ISUMALIUTISSIISSUTAA

Siunnersuutip aappaassaaneerreqarnerani saqqummiunneqartoq.

Ataatsimiititaliami suliaqarnermi ilaasortat uku peqataapput:

Inatsisartunut ilaasortaq Aqqaluaq B. Egede, Inuit Ataqtigiit, Siulittaasoq
Inatsisartunut ilaasortaq Jørgen-Ole N. Nielsen, Demokraatit, Siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Finn Karlsen, Siumut
Inatsisartunut ilaasortaq Hans Enoksen, Siumut
Inatsisartunut ilaasortaq Karl Lyberth, Siumut

UKA 2012-imi ulloq 13. november 2012 siullermeerereernerup kingorna siunnersuut Ataatsimiititaliap misissorpaa.

1. Siunnersuutip imaa aamma siunertaa

Siunnersuuteqartup siunnersuutini tunngavilersorpaa, Kalaallit Nunaat nunarsuup sinnerani sualummik raajat akiinut pituttorsimajunnaamissaguni piniagassat avammut tunisassiarineqartarnerisa siuarsarnissaat pisariaqartoq. Tamatumunnga atatillugu siunnersuuteqartoq isumaqarpoq, Kalaallit Nunaata avammut tunisassiornerata takutikkaa, mingutsitsinngitsumik nungukkiartuutaanngitsumillu pisuussutitsinnik atuinerput iluaqutiginnikkipput.

Taamaattumik siunnersuutigineqarpoq, piniagassaatsinnik avammut tunisassiornerup misissuivigineqarnissaa siuarsarniarutta alloriarnerni siullersaasariaqartoq.

2. Siunnersuutip Inatsisartuni siullermeerneqarnera

Siunnersuutip siullermeerneqarnerani partiinit tamanit tapersorsorneqarpoq. Naalakkersuisut aamma siunnersuut akuerisassanngorlugu inassuteqarput.

3. Ataatsimiititaliap siunnersuut pillugu suliaqarnera

Siunnersuuteqartup siunnersuutiminut tunngavilersuutaa Ataatsimiititaliap tapersorpaa, siunnersuummullu siunertaasut ilalersorlugit. Aammattaaq siunnersuut Naalakkersuisunit tigulluarneqarsimaqimmat Ataatsimiititaliap nuannaarutigaa. Kiisalu misissuilluarnerup ujartorneqartup pingaarnersiulluni ilusilerneqartariaqanngitsoq, kisiannili sapinngisaq malillugu atoruminartuusariaqartoq Ataatsimiititaliap isumaqarpoq.

Ataatsimiititaliap isumaqarpoq, nunatsinni niuffaffik ingerlalluartoq avammut tuniniaanerup siuarsarneqarneranut aallaaviusariaqartoq. Taamaattumik Kalaallit Nunaanni meeqerivinni kalaallit nerisassaataannik atuinermik misissuinerit pillugu Naalakkersuisut paasissutisiinerat Ataatsimiititaliamit naammagisimaarneqarpoq, neriutugalugulu taamaaliornikkut piniakkanik atuneq annertusarneqarsinnaasoq. Tamatumunnga atatillugu ataatsimut isigalugu nunatsinni niuernermit tuniniaanermik periarfissat sakkortusarnissaannut ineriartortinnissaannullu saniatigut suliniartoqarnissaa Ataatsimiititaliap kaammattuutigissavaa.

4. Siunnersuutip aningaasatigut kingunissai

Ataatsimiititaliap maluginiarpaa, siunnersuutip aningaasatigut kingunissai siunnersuuteqartup taasimagai, Naalakkersuisullu annertunerusumik tamatumunnga oqaaseqaateqanngimmata tusaatissatut tigussallugu. Tunngaviliussatut takuneqarsinnaasut malillugit allatut naliliinissamut pissutissaqanngitsoq Ataatsimiititaliap isumaqarpoq.

5. Ataatsimiititaliap inassutai

Inaarutaasumik Ataatsimiititaliap oqaatigiinnassavaa, Ataatsimiititaliap inassutiminik tunniusinnissaminut siunnersuutip siullermeerneqarnerani partiit Naalakkersuisullu oqaaseqaataat tamakkiisuusutut isumaqarfiginarmata.

Tamanna tunngavigalugu siunnersuut akuerineqassasoq Ataatsimiititaliap isumaqati-giittup inassutigaa.

Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappasaaniigassanngortippaa.

Aqqaluaq B. Egede,
Siulittaasoq

Jørgen-Ole N. Nielsen,
Siulittaasup tullia

Hans Aronsen

Finn Karlsen

Juliane Henningsen

Hans Enoksen

Karl Lyberth